

# Universitätsbibliothek Wuppertal

**DIONYSII || LAMBINI MON-||STROLIENSIS RE-||GII  
PROFESSORIS,|| IN || Q. HORATIVM FLACCVM EX FIDE  
ATQVE || AVCTORITATE COMPLVRIVM LIBRORVM  
MANV-||scriptorum à se emendatum, et aliquoties  
recogni-||tum, ...**

**Horatius Flaccus, Quintus**

**Frankfurt/Main, 1577**

Ode 18

---

**Nutzungsrichtlinien** Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1066](https://nbn-resolving.org/urn:nbn:de:hbz:468-1-1066)

**A** FORMIDOLOSVS] horribilis, metuendus.  
 PARS VIOLENTIOR NATALIS HO-  
 RÆ] significat se eo temporis momento natum  
 esse, quo Mars in orbis signiferi parte sibi imminente, & propinqua fuerit. Est autem Martis stella, vt & Saturni, malefica, & inclemens, Astrologorum sententia.

SEV TYRANNVS HESPERIÆ] id est, qui tempestates in Oceano occidentali, & quouis alio mari, excitat oriens: Capricornus autem Saturno ascribitur. Aiunt quidam tyrannos, & eos, qui patriam suam antea liberam sibi seruire coegerunt, Capricornum pro natalitio signo habere solere: iccirco Capricornum tyrannū ab Hor. appellari, quasi nascentibus ortu suo regnum & tyrannidem promittentem, ac præparantem. Inmo Capricornum, iccirco Hesperia, id est, Italia, tyrannum dicit, quia Saturnus in Capricorno grauissimas pluias excitat, vt annotat Seruius ad illud Virgil. Georg. 1. *Frigida Saturni sese quò stella receptet: & maximè* (inquit ille) *in Italia: vnde & Horat. ait, seu tyrannus Hesperia Capricornus ora.*

**B** TE IOVIS IMPIO, &c.] Iupiter prosper, & salutaris est: Saturnus maleficus, perniciosus, pestilens. significat igitur, cum Mæcenatis ortus, diésque natalis Iouis, & Saturni sit particeps, Iouis stellam prosperam, ac salutarem, Saturni inclementiam contudisse, ac discussisse: à Mæcenate deniq; perniciem ei imminentem, ac præsentem auertisse. Iouis tutela igitur, id est, Iouis stella, quæ te tuetur. Ostendit autem etiam M. Tull. epist. ad Fab. Gallum. lib. 7. Saturnum esse perniciosum, & inclementem. sic enim ille, *Martis verò signum quò mihi pacis auctori? Gaudeo nullum Saturni signum fuisse. hec enim duo signa putarem mihi as alienum attulisse: contra Iouem, salutarem, lib. 6. de rep. Deinde est hominum generi prosper, & salutaris ille fulgor, qui dicitur Iouis. sic Virg. Georg. 1. Frigida Saturni sese quò stella receptet. Iterum M. Tull. lib. 1. de diuin. Quid habet astrologus, cur stella Iouis, aut Veneris coniuncta cum Luna ad ortus puerorum salutaris sit, Martis ve contraria? Deniq; Mars & Saturnus dij sunt à vapennoi, id est, vim de medio tollendi habentes, & qui solent intercideré vitæ rationem, si aspectu suo, aut radiis suis ortum genituræ attigerint, vt notat Seruius ad illum Virg. locum Æn. 4. & dii morientis Elissa: vbi hunc locum profert.*

**C** VOLVCRISQVE FATI TARD. AL.] & mortis celeritatem, ac propinquitatem retardauit: mortem impendentem, & iam iam aduentantem repressit. Quidam libri manuscrip. habent, *volucresq;*, &c. Rectè autem *tardauit*: quia necessitas fati impediri illa quidem potest, & retardari, sed non profus elidi, aut præcidi, quemadmodum notat idem Seruius.

REFVLGENS] suo fulgore contratio fulgens, & Saturno repugnans.

LÆTVM THEATR. TER CREP.] ter tibi applausit, vt supra Od. 20. lib. 1. *datus in teatro Cum tibi plausus. Propert. eleg. 8. lib. 3. Et manibus faustos ter crepuere sonos. Virg. lib. 2. Georgic. hunc plausus hiantem Per cuneos geminatus enim ple-*

*bisque patrūmque Corripuit. ter autem valet, sapius, vt Od. 3. lib. 3. Ter si resurgat murus æneus. vide quæ annot. ad Od. 1. lib. 1. si plura exēpla requiris.*

ME TRVNCVS] de hoc trunco, aut de hac arbore, vide supra Od. 13. *Ille & nefasto te posuit die, &c.*

ILLAPSVS CEREBRO] in Oda supra dicta, *te caducum In domini caput immerentis.*

SVSTVLERAT] sustulisset de medio, interemisset. sic Od. 1. lib. 3. *Fulmine sustulerit caduco.*

NISI FAVNVS ICT.] significat, Martis maleficientiam, & iniuriam, cui erat maximè opportunus, atque expositus, à Fauno, ac Mercurio esse repressam, ac propulsatam: quemadmodum & Saturni pestilentiam, quæ Mæcenatis ceruicibus impendebat, Iupiter sua præsentia discussit.

MERCVRIALIVM] ingenioforum, quales sunt poëta: qui sunt sub tutela Mercurij.

REDD. VICTIMAS.] reddere maiores hostias, reddere autem dixit, quia eas vouerat morbo affectus, si conualesceret. Admonet igitur Mæcenatem Horat. vt voti damnatus, nempe recuperata valetudine, voti se obligatione exsoluat.

ÆDEM QVE VOT.] Magni, & clari, & potentes viri, in rebus aduersis, & periculosis ædeis sacras vouebant, si salui euaderent. cuius rei innumerabilia sunt exempla.

FERIEMVS AGNAM] vt supra Ode 4. lib. 1. *Seu poscat agnam, sine malis hœdum. humilem autè, id est, paruam, & quasi humo propinquam, seu humi repentem: nobis conuenientem, scilicet, qui humiles sumus.*

## Ode 18.

Se in re tenui, sua tamen sorte contentum viuere, at alios nullum ædificandi, nullum quærendi, nullum rapiendi modum facere, nihil de morte cogitanteis.

**N**ON ebur, neque aureum  
 Mea renidet in domo lacunar:  
**N**on trabes Hymettia  
 Premunt columnas vltima recisas  
 Africa neque Attali,  
 Ignotus hæres, regiam occupauit:  
 Nec Laconicas mihi  
 Trahunt honesta purpuras clientæ.  
 At fides, & ingenium  
 Benigna vena est: pauperemque diues  
 Me petit. nihil supra  
 Deos laceffo: nec potentem amicum  
 Largiora flagito,  
 Satis beatus vniciis Sabinis.

m iij Trudi-

**A** *Truditur dies die:  
 Non aequi pergunt interire Luna.  
 Tu secunda marmora  
 Locas sub ipsum funus: & sepulcri  
 Immemor struis domos:  
 Marisque Baijs obstrepentis vrages  
 Summouere littora,  
 Parum locuples continente ripa.  
 Quid, quod vsque proximos  
 Reuellis agri terminos? & ultra  
 Limites clientium  
 Salis auarus? pellitur paternos  
 In sinu ferens deos  
 Et vxor, & vir, sordidosque natos.  
 Nulla certior tamen  
 Rapacis Orci sine destinata,  
**B** *Aula diuitem manet  
 Herum. quid ultra tendis? aqua tellus  
 Pauperi recluditur,  
 Regumque pueris: nec satelles Orci  
 Callidum Promethea  
 Reuexit auro captus. hic superbum  
 Tantalum, atque Tantali  
 Genus cohæret. hic leuare functum  
 Pauperem laboribus,  
 Vocatus, atque non vocatus audit.**

**RENIDET**] quandam hilaritatem præ se fert, ut sup. Od. 5. *Ut pura nocturno renidet Luna mari.* & epod. Od. 2. *circum renidenteis Lares.* & lib. 3. Od. 6. *& adiecisse pradam Torquibus exiguis renidet,* id est, latatur, gloriatur. Catullus transfert ad animata, atq; adeo ad homines. *Egnatius quod candidos habet denteis, Renidet vsque quaque.* Id est, ridet, quemadmodum & ridere transfertur ad inanima. idem Catull. de nuptiis Pelei. *Queis permulsa domus iucundo risit odore.* sic Lucret. lib. 1. *tibi rident æquora ponti.* & lib. 4. *Vnguenta, & pulchra in pedibus Sicyonia rident.* Idem ad idem significantum vtitur verbo renidendi. lib. 2. *Nec domus argento fulget, aurorque renidet.* & Virg. Georg. 2. *ac late fluctuat omnis Ære renidenti tellus.* Hor. lib. 4. Od. 11. *Ridet argento domus.* & Od. 4. *& pulcher fugatis Ille dies Latio tenebris: Qui primus alma risit adorea.* Talis est vsus apud Græcos verbi *γελᾶν.* Hesiod. Theog. *γελᾶ δὲ πὲρ δαίματα πατρὸς Ζηνὸς ἐρίδ' ὄπιον, θιδὼν ὀπί ληροῖσση Σιδναμένη.* id est, *Rident autem domus patris Iouis grauiter crepantis, deorum voce candida diffusa.* Theognis, *ἐγέλασσε δὲ γαῖα πλώρη.* id est, *risit autem ingens terra.* Virg. in Melibæo, *omnia nunc rident.*

**LACVNAR.**] laquear. vtitur M. Tull. Tusc. 5. *in hoc medio apparatu fulgentem gladium è lacunari, seta equina appensum demitti iussit.* Virg. lib. 8. *Æn. Erigitur, summique ferit laquearia tecti.* ad quem locum Seruius hunc locum profert.

**NON TRABES HYMETTIE PREMUNT.]** id est, non trabes ex monte Hymetto petita, columnis è lapide Numidico ab vltima Africa deuctis innituntur. trabes autem Hymettias vel ligneas intellige, puta abiernas: vel marmoreas, vt alij volunt, quod ego magis probo. Plinius quidem lib. 36. cap. 3. columnas Hymettias marmoreas commemorat: necui fortè hoc mirum, aut incredibile videatur. quod cum apud me Turnebus collega meus vir doctissimus legisset, retulit in Aduersaria sua, & vt aliquid amplius dixisse videretur, locum Plinij commemorauit, quem satis habui lectori indicare.

**NEC ATTALI IGN. HER.]** significat, se neque vi, neque blanditiis, neque aliis malis artibus, ac rationibus cuiusquam diuitis hereditatem expugnasse, quemadmodum populus Rom. Attali regis Pergami hereditatem sibi vendicauit, vt scribit Iul. Florus lib. 58. & simul auaritiam populi Roman. obscurè notat, qui reges non solum armis & ferro, & aperto Marte, verum etiam simulatione iuris, & fraude, regnis auitis euerterit, ac spoliarit. non dissimile est, quod ait M. Tull. de regno Alexandrino in orat. Agr. contra Rull. quæ verba liber hoc loco ascribere, vt quiuis ex iis intelligat, multa regna non testamenti, aut victoriæ iure ad populum Rom. venisse, sed populum Rom. quo iure, qua iniuria omnium regum, ac liberorum populorum bona appetuisse, & conciliafle. sic igitur M. Tull. *Quis enim vestrum hoc ignorat, dici illud regnum testamento regis Alexandrini populi Rom. esse factum? hic ego consul populi Rom. non modo nihil iudico, sed ne quid sentiam quidem, profero. Magna enim mihi res non modo ad statuendum, sed etiam ad dicendum videtur esse. Video, qui testamentum factum esse confirmet: auctoritatem senatus extare hereditatis aditæ sentio, tum, quãdo alexandro mortuo legatos Tyrum misimus, qui ab illo pecuniam depositam nostris recuperarent, &c. mox sequitur, Dicitur contra, nullum esse testamentum: non oportere populum Rom. omnium regnorum appetentem videri: demigraturos in illa loca nostros homines propter agrorum bonitatem, & omnium rerum copiam.*

**NEC LACONICAS MIHI]** sic habent omnes nostri libri vet. nullus, *Laconias.*

**TRAHUNT,]** nent. ex quo per translationem tracta oratio appellatur, id est, non vehemens, non contorta, non interrupta, neque concisa: sed fluens, & continens, & fusa. Cic. de orat. 2. *verborum autem ratio, & genus orationis fufum, & cum lenitate quadam æquabili profluens.* Idem in perf. orat. *sed in his tracta quedam, & fluens expetit, non hæc contorta, & acris oratio.* & tractus verborum apud eundem lib. 2. de orat. ad Q. Fr. *qui timor? quæ dubitatio, tractusq; verborum?* sententia autem huius loci hæc est. meorum clientium vxores lanas mihi non carpunt, neq; nent, ex quibus mihi conficiantur togæ prætextæ cum obtinuerim magistratum.

**CLIEN-**

**A** CLIENTÆ] ita admonete esse legendum Carifius lib. 1. his verbis, *Clientis communis est. Inuenimus tamen & clientam apud Afranium in Pompea. interim tua clienta: & apud Horatium, Nec Lacinicas mihi Trahunt honestæ purpuras clienta.* Atque hæc sunt annotata à M. Antonio Mureto. Verum quòd ad hanc scripturam attinet, eam in vno dumtaxat libro vetere reperi, eòque Vaticano: quem tamen corruerat nescio quis imperitus litterarum, adiecta s. Plautus quoque vitur hoc nomine in Rudente, *Benefactum, & volupe est mihi, hodie his mulierculis Terulisse auxilium: iam clientas reperi.* & in Mil. glor. *habeo, eccillam clientam meam.* Denique ita legit Porphyrt. siue quis alius Pseudoporph.

**BENIGNA]** larga, affluens, abundans. vide quæ diximus ad Odam 17. lib. 1.

**VENA]** epist. de arte poet. *ego nec studium sine diuise vena, Nec rude quid profu video, ingenium.*

**NIHIL SVPRÀ DEOS LACESSO.]** non fatigo deos precibus, vt plura donent. sic enim sup. locutus est. Od. 2. lib. 1. *prece qua fatigent, &c.*

**NEC POTENTEM AMIC.]** potentem amicū *πὸν ὑπερχορῶτα φίλον* appellat. sic autem licet eos hodie appellare, qui coluntur à tenuiorib' spe vtilitatis alicuius: non autē dominos, cum his tēporib' seruorum vsus sublatus sit. sic idem epist. ad Loll. 2. lib. 1. *Tu cede potētis amici Lenib' imperiis.* idē appellatur rex, & ab ipso Horat. & à Plauto, nempe qui alit inferiorem. fortasse autem Mæcenatē significat.

**SATIS BEATVS]** agro Sabino contentus & ita beatus.

**TRVDITVR DIES DIE]** id est, diem diēs excipit: diem hesternum hodiernus expulit, hodiernum vicissim craftinus exturbabit. significat, vitæ nostræ curriculum esse breuissimum, & temporis cursum celerrimum.

**NOVÆQVE PERGVNT INTERIRE LVNÆ]** novæ Lunæ primū complentur: deinde decrescunt, atque intereunt, & rursus oriuntur novæ menstruo spatio confecto, vt Ode 7. lib. 4. *Damna tamen celeres reparant caelestia luna.*

**TV SECANDA MARMORÀ LOCAS]** id est, tu conducis operas mercenariorū hominum, qui tibi marmora cadant ad ædificandum: vel cum redemptore aliquo pacisceris certā mercede, qui secanda curret suo periculo. sic loquuntur Latini: *loco opus faciendum*, id est, conduco eius operas, qui faciat opus: vel redemptori negotium do operis faciendi.

**SVB IPSVM FVNVS]** paullo ante funus: vt sup. Od. 9. lib. 1. *Lenēq, sub noctem susurri.*

**ET SEPVLCHRI IMM.]** id est, & oblitus breui esse motiendum, & ita cogitandum esse de sepulcro excitando, edificas domos, quasi immortalis futurus.

**BAIIS OBSTREPENTIS]** sic Ode 14. lib. 4. *quire motis Obstrepit Oceanus Britannis.*

**VRGES SVMMOVERE]** id est, in eo occupatus es, eique operi instas, in eam curam totus incumbis, vt summoueas maris littora: quia iactis vltra littus in mare molibus, ædificas, Varius est autem verbi *urgeo* vsus apud hunc poetam. Od.

6. lib. 1. *Quis multa gracilis te, puer, in rosa, Perfusus liquidis urget odoribus?* urget, id est, arctè amplectitur. Od. 2. 2. eiusdem, *Quod latus mundi nebula, malisque Iupiter urget,* id est, occupat, circumfundit. & Od. 9. huius libri, *Tu semper vrges flebilibus modis Mythen ademptum,* id est, insequeris. quòd perinde est, ac si diceret, assidue eius mortem luges, ac deploras. & Od. 24. lib. 1. *Ergo Quinctilium perpetuus sopor Urget:* id est, opprimit, occupat, detinet? aliter Saty. 3. lib. 2. *puer, inquit, te malus urget,* ibid. *& medicum urget.* & Saty. 3. lib. 1. *optimus ille est, Qui minimis urgetur.* & epist. ad villicum lib. 1. *& tamen vrges lampridem non tacta ligonibus arua.* & Saty. 7. lib. 2. *Pars hominum vitius gaudet constanter, & urget Propositum,* id est, perseverat in suscepto, & proposito consilio. & Od. 17. epod. *Urget diem nox, & dies noctem,* id est, sine vlla intermissione excipit, ac subsequitur. Germanus Valens, vt Horatij Flacci, aliorumq; elegantium & politorum scriptorum, ita & Virgil. studiosissimus, indicavit mihi, cum fortè hunc locum vnà legeremus, etiam apud Virgil. huius verbi vsus esse varium ac multiplicem. Sic 9. *Æn. Veste tegens, tibi quam nocteis festina, diēsque Urgebam, & tela curas solabar anileis.* Idem 7. *airiam sed gurgite ab alto Urgeri volucrum raucarum ad littora nubem.* Georg. 1. *namque urget ab alto Arboribusque, satisque Notus, pecorique sinister.* & lib. 4. *Cecropias innatus apes amor urget habendi.* & 3. *oculos stupor urget inerteis.* *Æneid. 10. Olli dura quies oculos & ferreus urget Somnus.* ibid. *ferro rumpenda per hostes Est via, quæ globus ille virum densissimus urget.*

**PARVM LOCVPL. CONT. RIPA.]** terra continente non contentus, in mari ædificas, & mari ipsi littus adimis. vt Od. 1. lib. tertio, *Contra-cta pisces equora sentiunt, Iactis in altum molibus.* eandem cupiditatem reprehendit Ode 24. lib. 1. *Cementis licet occupes Tyrrenum omne tuis, & mare Apullicum, &c.*

**QVID, QVOD VSQVE]** Quid quòd assidue vicinorum tuorum possessiones, & agellos reuulsis terminis occupas?

**ET VLTURA LIM. CLIEN.]** cum eos defendere, ac tueri debeas. lege annot. ad illum locum, *postico falle clientem,* epist. ad Torquatum. *Sipotes archaicis.* lib. 1. epist.

**PELLITVR PATERNOS]** Sic Sallust. bello Iugurt. *Interea parentes, aut parni liberi militum, vt quisque potentiori affinis erat, sedibus pelabantur.*

**R. O. F. D. A. D. MANET]** diuiti imminet, parata est. lege annot. ad Od. 28. lib. 1. licet (inquit Horat.) in mari, & in alieno solo, iustis, & veris dominis eiectis, atque exturbatis, ædificas: nulla tibi tamen certior domus parata, ac reseruata est, quàm inferorum sedes. per verba illa *sine Orci destinata,* intelligo domicilium vltimum diuiti paratum. finem vsurpauit in genere famineo, vt Od. 17. epod. *Quæ finis, aut quod me manet stipendium?* Sed lectorem celare non debeo, Seruium ad illum locum Virg. *Æn. 6. Sedibus hunc refer ante suis,* videri legisse hoc loco *sede destinata,*

**A** non, vt habent omnes libri, *sine*. sic enim ille: aut dicit, refer hunc naturalibus sedibus terra. Nam in aqua perierat, verum tamen illud est, vt intel- ligamus, eam dicere, Sepeli eum. Nam sepulchrū sedes vocatur. Horat. *Nulla certior tamen Rapacis Orci sede destinata Aula diuitem manet Herum.* Iam Orcum, rapacem appellat vel quia Proserpi- nam rapuit, vel quia mortaleis omneis rapit. Nam *metit Orcus Grandia cum paruis non exorabilis auro,* vt est in epist. 2. lib. 2. in extr.

**ÆQUA TELLVS PAUPERI**] sic sup. Od. 27. lib. 1. *Pallida mors æquo pulsat pede pauperum tabernas, &c.*

**REGVM QVE PVERIS**] id est, & regum fi- liis: vt Od. 12. libro primo *Dicam & Alciden, pu- erōsq̄ue Leda:* & eiusd. Od. 19. *Thebanāq̄, iubet me Semeles puer.* Sed non celabo lectorem meminisse me, in duobus codicibus Vatic. & in Faern. scri- ptum videre *Regumq̄ natis.* quomodo & postea scriptum reperi in vno Nicotiano, Clericano Ruf- fardino, meo.

**SATELLES ORCI**] Charon, Orci minister. epist. 1. lib. 1. *Virtutis vera custos, rigidusq̄ satelles.* Alij tamen Cerberum significari volunt: à quibus dissentio. adiuuat me verbum *reuenit*, quod statim sequitur, quamquam (ne quid dissimulem) in qui- busdam libris veteribus scriptum reperi *Reuinxit.*

**CALLIDVM PROMETHEA**] Hesi. epithe- ta expressit *ποικίλον*, id est, varium, *ποικιλομήτην*, & mox *ποικιλόβρονον*: id est, varia consilia capientem, & va- riè consultantem, seu varium in consultando. Fer- tur Prometheus, vir prudentissimus & consultissi- mus fuisse. Quapropter etiam dictus est *ἀπὸ τῆς προμνησίας*, id est, à prouidentia, vel *ἀπὸ τοῦ προμα- θείν*, à prædiscendo, seu præ intelligendo, vt nota- uimus ad Od. 16. lib. 1. Idem primus Astrologiam Assyriis indicauit: quam residens in monte altissi- mo, Caucaſo, magno studio, magnaq̄ cura & sol- licitudine deprehendit. deprehendit & fulminum rationem hominibꝫ aperuit. vnde ignem cæ- lestē furat<sup>9</sup> esse dicitur. de eod. plura ad Od. 3. lib. 1.

**AURO CAPTVS.**] nec Orcus ipse auro capi- tur: vt epist. ad Iul. Fl. lib. 2. *si metit Orcus Grandia cum paruis non exorabilis auro?* vide ann. ad Od. 14. huius lib. *Non sit recenis, quotquot eunt dies, &c.*

**TANTALVM**] Vlyſſ. ὀδυσσ. λ. narrat Alcinoō se Tantalum vidisse apud inferos iis pœnis affe- ctum, quibus omneis auaros plecti scribit Horat. Sat. 1. videto quæ annotauimus ad illum locum.

**TANTALI GENVS**] Pelopem, Atreum, Aga- memnonem, Orestem.

**HIC LEVARE FVNCTVM, &c.**] *audit leuare*, id est, audit vt leuet. Siue mortem optet, siue exti- meſcat, & horreat pauper aliquis, & calamitosus, continuò aderit illa, vt eum calamitate leuet, ac liberet. *omnium enim rerum mors est extremum*, vt ait M. Tull. epist. ad Toranium. lib. 6. Et De- mosth. orat. *ὅτι ἐστὶν ἄκρα ἀπαντὶ ἀνθρώπου τὸ βίου θάνατος.* id est, extremum omnibus hominibus est mors. quem locum mox integrum afferemus. & M. Tull. Catil. 4. *mors est aut necessitas natura, aut miseriarum quies.* Et Eur. *τὸ γὰρ θανάειν, Κοκίων μέ- γιστον φάρμακον νομίζεται.* id est, mori enim maximum malorum medicamentum existimatur.

**VOCATVS, ATQVE NON VOC.] natum D** ex Apollinis oraculo Lacedæmonis reddito. *καλέ- μενός τε, κ' ἀκλητος θεός παρέρται:* id est, vocatus, & non vocatus, deus aderit.

## IN BACCHVM.

Ode 19.

Sibi licere Bacchi laudes, vt eius numinis pleno & concitato, canere.

**B**acchum in remotis carmina rupibus  
Vidi docentem: credite posteri:  
Nymphasque discentis, & aureis  
Capripedum Satyrorum acutas.

*Euæ, recenti mens trepidat metu:*  
Plenoque Bacchi pectore turbidum  
Latatur. euæ, parce Liber,

*Parce graui metuende thyrso.*  
*Fas peruicacis est mihi thyadas,*  
*Vinique fontem, lactis & vberis*

*Cantare riuos: atque truncis*  
*Lapsa cauis iterare mella.*

*Fas & beatæ coniugis additum*  
*Stellis honorem, teclaque Penthei*  
*Disiecta non leni ruina,*  
*Thracis & exitium Lycurgi.*

*Tu flectis amneis, tu mare barbarum:*  
*Tu separatis vuidus in iugis*  
*Nodo coërces viperino*

*Bistonidum sine fraude crineis:*

*Tu, cum parentis regna per arduum*  
*Cohors gigantum scanderet impia,*  
*Rhæcum retorsisti leonis*  
*Vnguibus, horribilique mala:*

*Quamquam choræis aptior, & iocis,*  
*Ludoque dictus, non sat idoneus*  
*Pugnæ ferebaris: sed idem*  
*Pacis eras, mediisque belli.*

*Te vidit insons Cerberus aureo*  
*Cornu decorum, leniter atterens*  
*Caudam, & recedentis, trilingui*  
*Ore pedes, tetigitque crura.*

**BACCH. IN REM. CARM.]** poetæ, vates, ebrij amantes, & similes multa sibi videre videntur,